
**DISKOA**

Izenburua: '69 abesti jolasteko'.

Egilea: Hik Hasi. **Edukia:** 69 abesti, hamabost ataletan banatuta. Haur-jolasen abestiak I - II eta IIIan agertzen ziren abestien bilduma da.

Iraupena: 75 minutu. **Argitaratzailea:** Hik Hasi.



tik? Izan liteke abestiak oso sailkatuak agertzen direlako eta erabiltzeko oso praktikoa delako. Hala, gehien interesatzen zaion abestia edo jolasa har dezake erabiltzaileak. Nik uste dut hori dela diskoaren ekarpenik handiena eta jendea erakartzen duena.

Zenbat abesti daude?

Orotara, hirurogeitik gora abesti biltzen ditu diskoak, eta hainbat ataletan sailkatuak daude: bidaierako jolasak, zotz egitekoak, txaloetakoak, korroan aritzekoak, zabuan kantatzekoak, txikienezako, gomatakoak, lurrekoak, soka saltoan aritzekoak, ilaran jartzekoak... Hainbat arlotarako euskarazko abesti oso gutxi zeuden, eta irakasle batzuk elkartuta asmatu genituen. Diskoko abesti asko, beraz, guk geuk asmatutakoak dira, baina badira betiko abestiak ere.

Abestiaz gain, nola jolastend den ere azaltzen duzue.

Hori da, bai. Diskoak liburuxka bat dauka, eta, hor, abestiaren letra osoa agertzeaz gain, jolas horretan nola aritu edo ibili ere zehazten da. Horrez gain, abestia musikatua agertzen da.

Animatzen zarete beste disko bat prestatzera?


Euskaraz ikasi arren, eskolako patioan edota kalean haurrak gatzelaniaz jolastend zirela ikusten genuen, eta horregatik animatu ginen diskoa prestatzera. Diskoa aurkeztu genuenean, hainbat ikastaro eman genituen ikastetxeetan, nola jolastu erakusteko. Gerora, baina, jolasak lantzen hasi zen Urtxintxa eskola. Bi talde gauza bera lantzen aritzeak ez zuela zentzurik ondorioztatu genuen. Hala, Urtxin-txaren esku utzi genuen lanketa hori. Urte batzuetara, arlo horretan hutsune bat sumatuko bagenu, berriro helduko genioke gaiari.

**LIBURUA****'Sugoitxoren ametsa'**

Sugoitxo kobazulo batean bizi zen gurasoekin. Gurasoek hegan egiten irakatsi zioten, eta baita ahotik sua botatzen ere. Sugoitxok, baina, nahiago zuen abestu ahotik sua bota baino. Gurasoek ez zuten ulertzen, eta, hasieran, haserretu egiten ziren, semea ez zelako beste herensugeak bezalakoa. Sugoitxo ez zegoen gustura, ordea. Lotsari buruzko istorioa da, eta Senti-puinak bildumaren hamabigarren izenburua.

Beñoña Ibarrola
Santiago Aguado

Argitaletxea: **Elkar**

**LIBURUA****'Basoan barrena'**

Kontakizun honetako mutikoa basoan barrena doa, Txanogorritxo amonaren etxera bezala. Bidean, askotariko arrisku eta ezustekoak topatuko ditu mutikoak ere, Txanogorritxok bezala. Nora ote doa, baina, mutikoa? Amona bisitatzera? Beste lekuren batera? Onik iritsiko ote da doan lekura? Lortuko ote du helburua? Manu Lopez Gase-nik euskaratu du istorioa.

Anthony Browne

Argitaletxeak: **Pamiela eta Kalandraka**

Joxe Mari Auzmendi HIK HASI-KO KOORDINATZAILEA

«Haurrak gatzelaniaz jolastend zirela ikusita animatu ginen diskoa prestatzera»

Euskaraz jolasteko hamaika proposamen biltzen da Hik Hasi elkartearen diskoan. Orotara, askotariko jolastan aritzeko ia hirurogeitik gora abesti daude. Abestiak entzun eta haien letrak irakurtzeaz gain, nola jolastu azaltzeko azalpen txiki bat ematen da. Euskaraz bizi eta jolasteko diskoa da *69 abesti jolasteko*.

Ez da disko berria, baina izugarrizko arrakasta izan du. Zergatik?

2008an argitaratu genuen diskoa, eta 2011rako agortu egin zen. Denbora batez zer egin pentsatzen aritu ginen, eta, azkenean, iazko Durangoko azokarako berriro argitaratzea erabaki genuen. Eta izugarrizko arrakasta izan du. Zerga-